

卷之二十一

東漢書卷之二十一

東漢書卷之二十一

東漢書卷之二十一

東漢書卷之二十一

東漢書卷之二十一

東漢書卷之二十一

東漢書卷之二十一

東漢書卷之二十一

東漢書卷之二十一

東漢書卷之二十一

東漢書卷之二十一

弘簡錄卷二百四十五

刑部員外郎仁和弘齋邵經邦學

皇清翰林院侍講學士四世孫遠平校閱

載記 金忠節

胡沙補

徽人特虎雅

酬韓 漢忽得

粘割韓奴

郝寧

溫迪罕蒲睹

移室懋訛里也

納蘭綽赤

曹理

伯德梅和尚

魏全

鄯陽

石古乃

徒單航

黃桐九住

夾谷守中

石林元毅

子世勛

王維翰

高守約

和速嘉安禮

移刺古與渥

張順

齊薦楊敏中張乞鹽

劉德基王毅

烏古論仲溫

烏古論榮祖

王勝

李演

劉德基王毅

木甲法心

九住

完顏承暉

高霖

烏林答乞住

馬驤

字木魯福壽吳那傑

吳僧哥

完顏從坦

李革

胡沙補完顏部人年三十五從軍頗見任用時太祖初起畏遼

兵使僕刮刺往遼國。以索阿疎爲名。實觀形勢。僕刮刺還言遼兵多不知其數。太祖疑曰。彼初調兵。豈能遽集。再遣胡沙補往還報。惟四院統軍司與寧江州軍語。以人言汝輩且反。故爲備耳。及行道中。遇渤海軍八百人向之笑。且言汝輩真亂者耶。太祖喜曰。果如吾言。胡沙補因勸太祖今舉大事。不可後時。若俟河凍。則遼兵盛集。必來攻伐。宜乘其未集而蚤伐之。可以得志。太祖深然之。從破寧江州。戰于達魯古城。與特虎皆有功。賜以旗鼓并御器械。高永昌遣撻不野杓合以幣馬來求援。願併力取遼。太祖使胡沙補撒八往諭曰。同力取遼。固可。東京近地。汝輒據之以僭大號。可乎。若能歸欵。當處以王爵。及永昌使歸遼。籍女直胡突古來請還所俘渤海人。太祖怒其表辭不遜。命韓魯進兵。永昌遂殺二人。皆支解之。胡沙補就執神色。自若。羣

昌曰汝叛君逆天今日殺我明日及汝矣至死罵不絕口時五十九天會中俱贈遙鎮節度使特虎雅撻瀾水人軀幹雄偉敢戰鬪達魯古城之戰活女已陷敵急救出之復攻照散城先登敗遼兵三千攻盧葛營麻吉壘馬奮前獨殺遼兵數輩掖而出之屢獲賞賚後從太祖自臨潢班師至遼河余睹來襲婁室已引去特虎獨殿馬憊步鬪不止力又盡遂沒于陣皇統間贈明威將軍

酬幹與僕忽得皆宗室子酬幹魁偉善戰年十五隸軍中多見任用初以兵五百敗室韋俘獲甚衆僕忽得初事撒改伐蕭海里有功二人俱招降燭俱水部族以酬幹爲謀克僕忽得領行軍千戶從破黃龍府戰于達魯古城皆有功其破寧江州追復叛者渤海乙塞補酬幹又率濤溫路兵招撫三坦石里狼跋苦

三水鼈古城邑皆降之。天輔五年，因往鼈古河籍軍馬燭俛水部實里古達等殺二人，投其尸水中，俱年四十三。太祖以皆死於國事，深爲悼惜，遣使弔賻，加等六年詔幹魯求得三人尸以葬。天眷中，贈酬幹奉國上將軍僕忽得昭義大將軍。

粘割韓奴以護衛從宗弼征伐，賜鎧甲弓矢戰馬。皇統四年，回紇遣使入貢，言耶律大石與其國相鄰，詔加韓奴武義將軍，遣與其使俱往，因觀其國風俗。去後，聲問絕不復聞。大定中，回紇移習覽三人至西南招討司貿易，自言本國粘拔恩君長撒里雅寅特斯率康里部長孛古及戶三萬餘求內附，乞納前大石所降牌印，收受本朝牌印詔。西南招討司遣通事禿里余睹并呵魯帶至其國，見撒里雅得其歸順實意，因加慰問其言。廿年，大國嘗遣粘割韓奴自和州往使大石，既至，大石遣使野

寒韓奴相遇問汝何人敢不下馬對曰我上國使奉天子之命
來招汝降汝當下馬聽詔大石曰汝單使來何所取信令人
下使跪韓奴罵曰反賊天子不忍於爾加兵遣來招汝爾縱不
能面縛請罪闕下亦當盡敬天子之使乃敢反加辱乎大石怒
而殺之此時大石林牙已死子孫相繼西方諸部仍以大石呼
之余睹阿魯帶還奏世宗嘉其奉使萬里不辱君命能盡臣節
贈昭毅大將軍遷其子永和縣商酒都監詳古爲尚輦局直長
加武義將軍汝州巡檢婁室爲武器署直長

祁宰字彥輔江淮人宋季以醫術補官因破汴得之以隸太醫
累遷中奉大夫太醫使海陵在位數被賞賚常感激欲自效會
將伐宋宰欲諫不得因元妃有疾召往診視既入見卽上疏其
畧言國朝之初祖宗以有道伐無道曾不十年蕩遼戡宋當此

之時上有武元文烈英武之君下有宗翰宗雄謀勇之臣然猶不能混一區宇舉江淮巴蜀之地以遺宋人況今謀臣猛將異於曩時各安土宇師出無名加以大起徭役營中都建南京繕治甲兵調發軍旅賦役煩重民人怨嗟人事不修天時不順間者是晝見於牛斗熒惑伏於翼軫已歲自刑害氣在揚州太白未出進兵者敗兼以地利不便舟師水涸舳艫不繼江湖島渚之間騎士馳射不可驅逐言甚激切海陵怒命戮於市籍其家產天下哀之仍杖其壻綦戩以奏疏乃戩爲之實不知也因名禁中諸司局官至咸德門諭以殺宰事世宗卽位贈宰資政大夫復其田宅章宗詔訪其子忠勇校尉平定州酒監公史擢尚書都監泰和初詔定功臣謚有司拘文以職非三品不在議

尚書省掾李秉常上言事有宜緩可急和輕而重者

見當海陵時居高宮。貪厚者不爲無人皆畏罪。洪
忍曾不敢中一喙。畫一策以爲社稷計。卒使立名死節之士。顧
出於醫卜之流。亦可以少憚矣。夫有非常之人。當待以非常之
禮。乞詔有司。特賜諡以旌其忠。斯亦助名教之一端也。制可下。
太常諡曰忠毅。

溫廸罕蒲睹與移室懣俱速頻屯懣歡春人徙上京。忽論失懣
蒲睹爲兀者羣牧使契丹。撒八反。諸羣牧皆應之。蒲睹獨結廸
幹羣牧使徒單賽里副使赤盞胡失荅歐里不羣牧完顏朮里
骨副使完顏辭不失。卜廸不部副使赤盞胡失賴速朮典廸詳
穩加古買住胡睹廸詳穩完顏速沒葛轄朮廸詳穩高彭祖等
陰爲之備。選家奴材勇者給以兵仗。賊不得發。佯爲降服。隨設
計給諸奴官。閱兵仗。願借以應諸奴信以爲然。明日賊至。遂無

以禦賊執蒲睹問曰今尚能反未荅曰家世受恩子姪皆仕宦不能從汝反累吾族也賊怒斃而殺之時子與孫與前諸羣牧詳穩皆遇害移室懋性忠正強毅善騎射膂力過人以兄木輦國初有功授世襲謀克皇統初遂襲兄職積戰功爲洮州刺史兄子幹魯古巴長讓還之宗弼以爲難改刺貴德州歷移典札詳穩烏古里部族節度使改德昌軍會正隆南伐泰州猛安定遠阿補以所部叛還與七謀克執之勒其衆以付大軍契丹反率數千人殺賊萬餘于伊改河以功遷臨潢尹世宗卽位子姪安遠幹魯古斜普兄弟咸具甲仗往迎賜以手詔令招白彥敬紇石烈志寧其家皆在南京恐或遷去兼起異謀并招誘都監老和尚不知朕已卽位卿可使人往諭如來降悉令復舊邊關之事可設耳目時窩幹已反領兵數萬來攻諸路軍尚未至

領守城士六百邀擊凡數接戰勦殺甚衆所乘馬中流矢而仆
爲賊所執使人諭以爾生死在頃刻能往招城中出降官爵如
故不然殺汝移室懣怒罵曰我受國家爵祿肯從汝叛賊乎迫
脅至城下其妻子官屬將士皆登城臨望向前厲聲曰賊無能
爲我恨軍少不能滅賊人生會有一死汝輩慎勿降毋以我故
敗國家事賊怒殺之 又契丹人訛里也爲尚廐局直長應奉
翰林文字使招諭窩斡此令跪見不從曰我朝廷使豈可屈節
於汝汝等早降可全性命若大軍至汝輩悔將何及賊怒曰汝
本我族類不早從我敢出是言亟害之從行驍騎軍士閭孫史
大習馬小底頗荅皆被害大定三年同贈宣武將軍各錄其子
餘皆贈修武并忠翊校尉

納蘭綽赤咸平路伊改河猛安人契丹括里將入使人招之不

從兵至綽赤團結旁近村寨爲兵。出家馬百餘匹給之。教以戰陣擊刺之法。相與拒于改渡口。由是賊衆月餘不得進。旣而兵四萬大至。衆寡不敵。遂見執。鬻而殺之。詔贈官兩階。二子皆得廢。曹珪。徐州人。大定四年。州人江志作亂。珪子弼在賊黨中。珪謀誅志并弼。殺之。尚書省議當補二官。雜班敘上。以所奏未當。詔珪赤心爲國。大義滅親。自古罕聞。更進一官。正班用之。伯德梅和尚。秦州人。性鯁直。尚氣節。正隆五年。收充護衛十人長累。授曷魯橈羣牧并尚廐局副使。遷本局使。轉右衛將軍。拱衛使。典尚廐十餘年。出爲復州刺史。明昌初。由西北路副招討升秦州防禦武勝軍節度使。六年。移崇義軍。時有事北邊。行省夾谷清臣檄爲臨潢副統。會敵入。暨護衛關合土等領軍逆擊。直擣敵陣。殺傷甚衆。敵知孤軍無繼。聚兵圍之。度不能免。乃下

馬相背射。復殺百餘人。矢盡。猶以弓提擊。爲流矢所中。與闕舍士等皆沒。上聞之。震悼。詔贈龍虎上將軍。躡遷十階。賜錢二十萬。命以禮葬之。以其子都奴爲軍前猛安。中奴護喪。差同知臨潢府李達可。勅祭使同知德昌軍石抹和尚。爲勅葬。使上諭梅和尚死王事。命其子都奴爲典署丞。

魏全壽州人。泰和六年。宋李爽圍壽州。刺史徒單義盡籍城中兵民及部曲。斯役得三千餘人。隨機拒守。義善撫御。得衆情。婦人皆樂爲用。同知滿烈古中流矢卒。義益勵不衰。募人往砍爽營。全在選中。爲爽兵所執。至死罵不絕口。僕散揆遣河南統軍判官乞住及買哥等以騎三千人救壽州。與爽兵遇。乞住分兩翼夾擊。梁義出兵應之。爽兵大潰。斬首萬餘級。赴淮死者甚衆。爽與其副田林僅脫身走。詔遷義防禦使。乞住同知武昌軍節。

度使事買哥河南路統軍判官贈蒲烈古昭勇大將軍贈魏全
宣武將軍蒙城縣令封其妻爲鄉君賜錢百萬俟其子至十五
歲收克八貫石正班局所贈官蔭以全節送史館鏤諭天下

鄯陽者係宗室子爲符寶祇候完顏石古乃爲護衛十人長至
寧元年八月紇石烈執中作亂入自通玄門是日變起倉猝中
外不知所爲鄯陽石古乃往天王寺召大漢軍五百人赴難與
執中戰於東華門外執中兵衆大漢軍少須臾殺五百人殆盡
執中死詔曰護衛石古乃校尉鄯陽忠孝勇果沒于王事石古
乃贈鎮國上將軍順州刺史鄯陽贈宣武將軍順天軍節度副
使嘗從拒戰猛安謀克散軍遷賞有差沒者贈賞其家石古乃
子給八貫石俸俟年十五以聞

徙單航一名張僧父號九駙馬至寧元年胡沙虎弑逆降航爲

安州刺史會北兵大至城下聲言郡城已失守汝可速降航謂其民曰城守雖嚴萬一攻破汝輩無孑遺矣我家兩世駙馬受國厚恩決不可降汝輩計安出乃盡以家財犒軍民皆盡力備禦又五日航度城不可支乃先縊其妻孥謂家人曰我死卽撤屋焚之遂自縊死城破軍民猶力戰曰太守旣死我輩不可獨降死者甚衆黃摑九注臨潢人以蔭補令史調安肅州軍事判官明昌四年轉大理執法出爲薊州軍事同知累遷潞王府司馬河東北路按察轉運使改知彰德府事遇元兵戰歿贈榮祿大夫南京留守仍錄用其子孫

夾谷守中咸平人本名阿土古大定二十三年登第歷清池聞喜二簿尚書省令史刑部主事監察御史修起居注轉禮部員外郎大名治中歷嵩涿北京陞洮路按察副使以憂起復曷懶

路兵馬都總管同知坐事謫韓州刺史尋復平涼府同知大安
二年爲秦州防禦使遷通遠軍節度使夏兵數萬入鞏州乘城
備守兵少不能支城陷官吏盡降獨守中不屈夏人壯之且誘
且脅其志益堅遂載而西至哥家要以招降府人佯許之至城
下卽大呼曰外兵矢盡且遁慎勿降夏人交刃殺之興定元年
監察御史郭著以聞詔贈資善大夫東京留守仍收其子兀母
爲筆硯承奉

石抹元毅本名神思咸平府路酌赤烈猛安莎果歌仙謀克人
往沈厚武勇過人每讀書見古人忠義事未嘗不嗟歎賞慕喜
動顏色初廕補吏部令史調景州寧津令有劇盜白晝恣劫爲
害元毅以術防捍賊散去入爲大理知法除亳州防禦同知省
檄錄陝右五路刑獄無寃人復委受宋歲幣却故事私遺物明

昌初名爲大名等路提刑判官以最遷汾陽軍節度副使時嵐石間賊黨嘯聚肆行剽掠朝廷命捕之賊畏而遁追襲盡殪之二境以安遷武勝軍節度同知訊別郡殺人者屢鞠不伏不數語具服之河東北路田多山坂饒瘠舊定爲上賦民力久困至是命相地更賦平以三壤法民賴其利改彰德府治中承安二年北邊有警授撫州刺史會邊將失守芻糧馬牛焚掠殆盡方率吏卒出州數里經畫軍餉猝遇敵號令其衆上前力戰敵去而復合猛氣愈厲射無不中久之衆寡不敵元毅遂遇害年四十七事聞上驚悼贈信武將軍收克其子世勛侍儀司掣執五年登詞賦經義兩科進士奏名之日上與宰臣歎賞者久之世勛字景略幼勤學爲文有體裁貞祐三年累官太常丞預講議所事上言徙河北軍戶議給以荒閑之田及牧馬地其始耕

墾費力當倍一歲尚不能熟若奪民素蔭者與之彼此失所且
啓不和之端况軍戶率無耕牛彼旣南來所捐田宅爲人所有
一旦北歸能無爭奪切謂宜令軍戶分人歸守本業收其晚禾
至春復還爲固守計上悟乃罷之未幾遷金安軍節度同知興
定二年華州元帥完顏合達令世勣副前平涼同知卓魯回蒲
乃速爲參議官上謂蒲乃速但能承奉人餘無所長非如世勣
可任以事且華爲要鎮而輕用其人或致敗事遂獨用之尋爲
左司郎中每以畏避繁劇私囑治籍吏冀改他職奪官解任元
光元年起爲禮部侍郎轉司農并太常二卿正大中爲禮部尚
書兼翰林侍講學士天興元年冬哀宗將北度世勣率朝官劉
肅田芝等二十人求見仁安殿上曰我不出軍分爲二一軍守
一軍出戰我出則軍合爲一世勣曰陛下出則軍分爲三